

洞妙金華之境精思陽梵駕景飛玄水脫著
塵道遙自在玄壇符籙寶導去程恭肅放宣
各宜跪受

宣教苦符 宣長生符

宣生天籙 宣運明詔

宣禱度券 宣超生符

宣九龍符 宣托生符

宣九戒牒 宣功德牒

宣護送文檄

向來淨花玉清甘露淨供開度幽爽功德周
圓伏冀縱步金蓮朝神玉闕辭三寶而離席
持九戒以升真名注丹書功標紫宇永元輪
轉妙契虛玄泛乘不死之舟便達無為之岸
少需發遣早步登天

實華圓滿天尊

臣聞二儀布化九炁凝神千真聚會於三宮
萬象森羅於六府百闕和暢九竅開通魂靜
魄寧神清氣爽所有亡魂仗茲良因隨果受
度得為真人巨等草茅賤類蟻蟻微軀輒膺
命以求真仗鴻慈而濟物虔伸懇悃普被恩

光乘大道之甄陶幽萬天之景既伏望雲車
風馬却返於層霄玉蕊珠華飄零於碧落臣
等仰謝天恩下情不勝激切攀戀之至

送真頌

迴耕五雲輿 騰駕九章歌 倏忽升天速

熙壇香炁多 玄思罩宇宙 福祿過山阿

緬想神仙路 逍遙上大羅

師行超度法

道衆送攝如儀

焚燎

贊引歸靜默堂小啓謝師

向來頌

靈寶領教濟度金書卷之七十

靈寶領教濟度金書卷之七十一 殷三

洞微高士開光教苦真人竊金真授

靈寶通玄弘教水南先生林靈真編

科儀立成品九天生神齋

開塔變壇儀

步虛 啓白

慶雲騰瑞疑玉象於虛玄霏霧呈祥噴金紋
於空碧龍筆香鶴祝鼎氣氤氳先焚名香供養
三界符使四直功曹鑒察靈柁里域主宰願
迂靈馭肅鑒凡誠以今奉為齋主某宗建
靈寶生神妙齋開度亡故某人上登陽景當
乞奏聞三境敷告九霄命魔攝氛招真御景
俾幽冥感應內外肅清齋福周圓法輪輿轉
先亡受度見在蒙恩稽首皈依無極大道

九天生神天尊

具位奉行靈寶九天生神大齋小兆臣某謹
焚寶香虔誠上奏

祖師虛皇上帝元始天尊太上玉晨玄皇大
道君太平金闕後聖玄元太上老君玄穹高
上昊天玉皇上帝真師洞真天寶帝君洞玄

靈寶帝君洞神寶帝君三寶丈人九天應元雷聲普化天尊自然生神鬱單无量天帝上上禪善无量壽天帝梵監須延天帝寂然兜術天帝波羅尼密不驕樂天帝洞玄化應聲天帝靈化梵輔天帝高虛清明天帝无想

无結无愛天帝太上高空九天丈人道君高上玄靈九天真王道君高上空洞混元九天元父道君高上虛空自然九天真母道君玄和九天聖母元君九天无量三昧太乙元君九天元皇帝真元君九天金籙无量壽生神君九天魄靈丞相帝君九天魂精司命帝君五靈五老上帝南極長生大帝玄中大法師靜老天尊三天大法師六合高明大帝九天玉輔上宰四協侍宸好生韓君丈人度人不死尊神理骸起死監生大神十方无極飛天神王長生大聖无量度人君九天諸司真君天地水三官大帝九天尚父佐期上輔遊奕四靈真君九天列位真人九天司命府主執靈官五百靈官九天侍僕玉郎典禁靈妃玉童玉女直事符吏三洞四輔流傳至教經籍

度師列位真人名山洞府靖虛治化得道真仙東嶽天齊仁聖帝北陰玄天鄧都大帝東霞扶桑丹林大帝城隍社令里域廟貌地水官屬三界真靈仗此寶香普同供奉香乃玉華散景九炁合煙香雲密羅徑衛九天侍香

金童傳言玉女為巨通奏上聞帝前令巨所啓咸賜如言巨聞三洞流光紫笈著修齋之典九清布化丹章垂懺謝之科徽帝溼於圓清霈天休於方厚覺輪鳳駕星輝傾光非由九陛之崇嚴曷混萬真而慶會以今奉為入老其諸情悃已錄奏聞今當率屬衆官清虛一念按威儀而莅事遵憲令以開盟慮下土之塵累非上方之道境運神合景莫格虛无降真召靈靡通寥廓欲望洪慈廣布玄脫潛孚流祖炁以輝華錫靈光而照耀變凡為聖三合碧玉之蕭臺以人格天現紫金之繡座鼓節麾幢而危翼執籙把籍以班朝梵炁周迴想玄之又玄之微妙流精洞煥同上極无上之希夷遂徹巨奏對之忱副齋主勤奉之請蒙如丹椅仰荷天恩清衆運誠巨林讚詠

九天生神天尊

法師行持伏地如儀

道衆誦呪

一炁宗祖元 鴻濛天地先 真精運太虛
五劫開先根 玄炁生天寶 龍漢水劫先
混洞太无炁 玉清胤三天 鬱單凝始青
禪善太青連 東南始丹境 天傾號須延
元炁生靈寶 赤明火劫傳 赤混太无炁
上清胤三天 太丹兜術位 始素驕樂端
應聲无色界 太素映西昆 始炁生神寶
上皇土劫存 冥寂玄通炁 太清胤三天
始玄號梵輔 清明合太玄 无愛延真上
中拱虛皇尊 延康金劫石 二炁分乾坤
經緯流陽精 仙真握化權 水劫開皇初
陰陽真山川 九壘應九霄 裁演胤鬼神
繁炁化動植 冲和有人民 皆蒙元始炁
凝妙結胚暉 玄都裁政令 九天贊絲綸
靈寶生神章 虛无契自然 清齋運金書
九六度劫年 學士能升天 鬼靈能登仙
幽魂能開度 枯朽能發煙 嬰孩能言語

死骸能還人 大聖慶元吉 皈命禮精虔
逃形天地間 永超生死輪 太空流梵炁
稽首讚洞文

九天生神天專
法師三拜起

臣今仰伏恩光神化壇壇紫煙羅絡蒼靈輪
困隲然汎景之龍蟠中有浮空之獅座金容
玉相凝翠華浩劫之專結聲丹與來碧落空
歌之衆三靈拱極萬聖朝元希誕布於德音
更闢宣於真職三洞官屬九天仙靈城隍里
社之神祇經籙符法之兵馬各効勤而受事
為宣德以承符明聽普言翼齊功於終始肅
遵典令教妙化於幽冥稽首皈依无極大道

九尊號轉班宣呪
師行持運念如法

九天高靈 受命玉清 仙真森列 佐翊皇經
司命設府 部領公卿 五百靈官 雲路天兵
直符直事 流金火鈴 滅魔檢氣 乾清坤寧
上扶運度 下提幽扁 嚴攝北鄴 極護死生
大帝敕書 制命關盟 萬神受事 來集彤庭

急急如九天上帝律令

九天生神天專
金光呪

天地玄宗 萬炁本根 廣修萬劫 證吾神通
三界內外 為吾獨尊 體有金光 覆映吾身
視之不見 聽之不聞 包羅天地 養育群生
受持萬遍 身有光明 三界侍衛 五帝司迎
萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五氣騰騰
金光速現 覆護壇庭

宣總召萬靈符

龍章露布既仰行於萬程鳳馭星馳諒會歸
於一處願侍鹵簿各肅威儀恭對道前聽宣
戒誓

宣誓將榜

九天令甲書勳守衛於齋盟諸部神丁受任
備殫於職守想會道運元之妙教監真度生
之功朱表有奕丹章无隲敬鋪陳於清酌肅
旌列於微忱

三獻

三獻既周一忱畢露所有牒文合對披宣

宣牒

牒文備悉神聽周回伏冀駐景玄壇承流紫
禁旌旋燦燦翼祖炁以嚴恭鉦鉞昭掃掃
氛而肅穆左右羅列內外巡遊俟恪著於威
靈當精酬於效信稽首皈依无極大道

向來頌

頌赦儀

步虛 上香

具位臣姓某誠惶誠恐稽首頓首再拜上言
臣聞造化密移鼓衆形而罔測玄黃廣運陶
萬類以无私永為九壘之深沉莫痛三途之
流浪陽光弗親陰暗常竊自非大需於天恩
曷使頓開於地禁哀矜真切教奏勤渠以今
奉為齋主某崇建

靈寶九天生神妙齋開度亡故某猶慮劫垢
紛紅客塵滓滯銅關鐵壘或體魄之拘囚火
翳冰池或形魂之維繫有機悔過无路求生
冥心獄吏之專委命陰關之遠億齡展轉萬
劫彷徨乞依三洞无極隱書請頌

玉皇寶號曲赦期超罪性返生福鄉重念臣
學道望洋探玄入谷獅頭獨對幸慶會於風

雲龍尾承流盍昭宣於雨露况茲亡與尤軫
宸衷三業六繆易顯冥其正性五德八識多

陷溺其良心致四大之各離遂九幽之條墮
悽悽夜壑杳杳寒庭靖惟祖炁之分靈忍使

生根之未絕匪蒙陶冶實累生成擬存注於
靈壇即頒宣於曲赦欲望丙觀衷悃申錫恩

言救下五帝四司三官九府十宮六洞五苦
九幽嶽瀆山川城隍社令遵依典格承受奉

行庶得冥路風清園扉日赫地除簡對无拘
留逼合之憂水絕盟言有侍衛送迎之喜奉

拳伺命切切祈恩且下情无任瞻天望聖激
切屏營之至謹伏案左恭俟天恩潛垂報應

三拜伏地運念如儀

誦宣誥九遍 填赦

移班向地戶 講席贊云

上清靈寶玄壇恭準

道旨頒行

玉皇寶號曲赦三官九府百二十曹三界十

方九幽九壘五嶽四瀆城隍社令冥關曲路
一切主者各宜恭肅拱聽宣布

宣赦 宣簡

飛空步虛頌

德音鼓動下去都 三極皈依贊寶符

湛露泠泠遊奏樂 慈雲靄靄罪魂蘇

羅帶不閉陽春到 泉曲常開畫景敷

從此亡靈登福舍 翔翔萬劫任歡呼

九天生神天尊

具位小兆臣某重誠上啓

三境至尊九天上帝无边法界有位真靈冀
運慈悲念無鑿映臣向來奉為齋官某請頒

玉皇寶誥曲赦仰蒙膏軫俯遂微衷驛吏風
馳勒地祇而稟命冥曹雷動承天政以迴骸

亡故某乘此提携獲除考責拜如天之福北
鬱銷名悟若水之機南宮受化若為銘鏤莫

聲戴街更願一炁无私八圖有慶飛潛動植
均鼓舞於天光人鬼龍仙普夷猶於帝化臣

下情不勝感荷之至謹稽首再拜稱謝以聞

向來頌

臣

靈寶領教濟度金書卷之七十一